

REGLUGERÐ

um happdrætti Háskóla Íslands.

1. gr.

Happdrætti Háskóla Íslands er sjálfstæð stofnun í eigu Háskóla Íslands. Heimili þess, aðalskrifstofa og varnarþing er í Reykjavík.

2. gr.

Stjórn happdrættis háskólans er í höndum þriggja manna nefndar, sem háskólaráð kýs til þess í lok hvers árs fyrir næsta ár á eftir. Stjórnarnefndin kýs sjálf formann sinn og skiptir á annan hátt störfum sína á milli. Nefndin heldur fundi, eftir því, sem þörf krefur, og eru þeir lögmatir, ef meiri hluti nefndarinnar er á fundi. Ályktanir nefndarinnar eru lögmatar, ef meiri hluti nefndarmanna er þeim samþykkur. Bókfæra skal gerðir funda, og gerðabók skal lesin og undirskrifuð í lok hvers fundar. Þóknun nefndarmanna ákveður háskólaráð.

3. gr.

Stjórnarnefnd ræður sér til aðstoðar framkvæmdarstjóra og annað starfslið, eftir því sem þörf er á.

4. gr.

Til þess að skuldbinda happdrætti háskólans þarf undirskrift formanns stjórnarnefndar og framkvæmdarstjóra. Þó nægir undirskrift framkvæmdarstjóra eins til þess að ávísanir á inneign happdrættisins í banka séu gildar.

5. gr.

Háskólaráð kýs árlega 2 endurskoðendur til þess að endurskoða reikninga happdrættisins. Þóknun þeirra er ákveðin af háskólaráði. Reikningsár happdrættis háskólans er almanaksárið.

6. gr.

Fjármálaráðuneytið skipar árlega fimm manna happdrættisráð, og skulu að minnsta kosti tveir þeirra vera lögfræðingar. Ráðuneytið skipar formann happdrættisráðsins, en ritara kýs það sjálft. Fundi heldur það, eftir því sem þörf krefur og eru þeir lögmatir, ef meiri hluti ráðsmanna er viðstaddur, enda sé a. m. k. tveir lögfræðingar á fundi, ef úrskurða á samkvæmt 15. gr. Ályktanir happdrættisráðsins eru lögmatar, ef meiri hluti þess er þeim samþykkur. Bókfæra skal gerðir funda, og gerðabók skal lesin og undirskrifuð í lok hvers fundar. Formaður fær 1000 kr. Þóknun árlega og aðrir í happdrættisráðinu 700 kr. hver, að viðbætti verðlagsuppbót.

7. gr.

Stjórn happdrættisins skal, þegar ársreikningar eru tilbúnir og endurskoðaðir, senda happdrættisráði þá til athugunar, og skal jafnframt gefa því skýrslu um starfsemi happdrættisins á síðastliðnu reikningsári. Happdrættisráð hefur, hvenær sem er, aðgang að bókum og skjölum happdrættisins, og eru stjórnarnefnd og starfsmenn skyldir að veita því þá vitneskju um starfsemina, er þeir geta veitt og það óskar að fá. Verði happdrættisráð þess vart, að ákvæði laga nr. 44 19. júní 1933, eða reglugerðar þessarar sé brotin, skal það þegar í stað tilkynna það fjármálaráðuneytinu. Happdrættisráð hefur eftirlit með og úrskurðarvald um dráttu, eins og segir í 13. og 15. gr.

8. gr.

Happdrættið gefur út á hverju ári 25000 hluti í 12 flokkum. Vinningar í öllum 12 flokkum samanlögðum skulu vera 7200 og 33 aukavinningar að upphæð samtals kr. 2 520 000.00.

8

21. jan.

9. gr.

Gefnir eru út heilir, hálfir og fjórðungs hlutamiðar, og verður eiganda hálf miða greiddur helmingur og fjórðungs miða fjórðungur þeirrar fjárhæðar, sem unnizt hefur á miðann. Á hvern hlutamiða er prentuð tala (númer) frá 1 til 25 000. Auk þess eru hálfu miðarnir merktir A eða B, en fjórðungs miðarnir A, B, C og D. Heilir hlutamiðar eru bláir að lit, hálfir miðar gulir og fjórðungs miðar rauðir. Á hvern miða skal prenta nöfn formanns stjórnarnefndar og framkvæmdarstjóra happdrættisins, en umboðsmaður happdrættisins, sem selt hefur miðann, skál rita á hann nafn sitt og heimilisfang. Ef menn kaupa hlutamiða, sem gildir fyrir alla drætti á sama ári (ársmiða), skal prenta aftan á miðann athugasemd þess efnis, og skal hún undirrituð með sama hætti. Enginn miði er gildur fyrr en umboðsmaður happdrættisins hefur ritað á hann nafn sitt, eins og áður segir.

10. gr.

Verð heilla miða er 12 kr. í hverjum flokki, hálfra miða 6 kr. og fjórðungs miða 3 kr. Fyrir árs miða skal greiða 144 kr. fyrir heilan hlut o. s. frv., en ef eigandi miða vill gera hann að árs miða, eftir að drættir, einn eða fleiri, hafa farið fram, skal hann greiða fyrir fram fyrir þá drætti, sem eftir eru.

Ef menn vilja kaupa hlutamiða, eftir að drættir, einn eða fleiri, hafa farið fram, skal greiða fyrir hann, auk verðs miðans í þeim flokki, einnig samanlagt verð hlutarins í öllum flokkum, sem dráttur hefur áður farið fram í. Fyrir árs miða, sem keyptir eru eftir að drættir eru byrjaðir og gilda frá söludegi til ársloka, skal greiða 144 kr. fyrir heilan hlut o. s. frv.

Umboðsmenn happdrættisins mega ekki selja hluti þessa öðru verði en hér er sagt, né heldur taka við ágóðahluta, né annarri þóknun, af vinningum, sem falla á þá hluti, sem þeir hafa selt. Hins vegar mega þeir krefjast aukagjalds, sem stjórn happdrættisins ákveður, af þeim viðskiptamönnum, sem óska eftir að fá hlutamiða eða vinningaskrár sent í pósti.

11. gr.

Enginn má selja hlutamiða happdrættisins, nema umboðsmenn þess, er fá miðana beint frá skrifstofu happdrættisins, og er öll önnur verzlun með miðana bönnuð, að viðlögðum sektum, allt að 200 kr.

12. gr.

Endurnýjun hlutamiða til næsta dráttar skal fara fram hjá þeim umboðsmanni, sem hefur ritað nafn sitt á miðann, og innan þess frests, sem greinir á miðanum. Um leið skal afhenda umboðsmanninum hlutamiða næsta flokks á undan.

Ef hlutamiði næsta flokks á undan hefur glatazt, getur eigandi hans sótt skriflega um það til stjórnar happdrættisins, að fá miðann endurnýjaðan, þó því aðeins að umboðsmaður happdrættisins votti samkvæmt hlutabók sinni, að hann hafi átt miðann og enginn annar hafi beiðzt endurnýjunar á honum, áður en fresturinn var liðinn. Fyrir endurnýjunarbeiðni skal greiða 1 kr.

Í upphafi hvers árs eiga menn kost á því að kaupa hlutamiða með sama númeri, sem þeir hafa haft næsta ár á undan, ef þeir snúa sér til umboðsmanns happdrættisins á þeim tíma, sem greinir á hlutamiðum 12. fl., og afhenda honum þann miða, þó því aðeins, að umboðsmaður hafi fengið það númer aftur frá skrifstofu happdrættisins.

8
21. jan. Ef viðskiptamaður beiðist endurnýjunar á hlutamiða, hvort sem er milli flokka eða milli 12. fl. og 1. fl. næsta árs, áður en endurnýjunarfrestur er liðinn, en umboðsmaður hefur glatað miðanum eða afhendir hann ekki af öðrum ástæðum, er hann skyldur til að afhenda viðskiptamanni án endurgjalds og á eigin kostnað nýjan miða og standa happdrættinu skil á andvirði þess miða í öllum flokkum, sem þegar hefur verið dregið í. Ef umboðsmaður hefur ekki fleiri miða, skal hann endurgreiða viðskiptamanni á sinn kostnað verð miðans í öllum flokkum á undan.

13. gr.

Daginn áður en dregið er í 1. flokki, skal leggja í hlutastokkinn 25000 miða, sem merktir eru tölunum 1 til 25000 og daginn áður en dregið er í hverjum hinna síðari flokka, skal leggja í hlutastokkinn jafnmarga miða, sem síðast voru úr honum dregnir og með sömu tölum, og skal þá einnig leggja í vinningastokkinn miða, sem á eru prentaðir vinningar þeir, einn á hvern miða, sem draga skal um í það skipti samkvæmt vinningaskrá, er stjórn happdrættisins semur og happdrættisráð samþykkir fyrir fram fyrir ár hvert.

Miðana skal láta í stokkana að viðstöddum minnst 3 mönnum úr happdrættisráðinu, sem formaður kveður til þessa eftirlits, enda sé hér að lútandi ákvörðun formanns bókuð í neðangreinda dráttabók happdrættisráðs. Eftirlitsmenn þessir fullvissa sig um, að innsigli séu heil á hlutastokk, áður en í hann er látið og að rétt sé látið í stokkana og innsigla þá síðan með innsigli ráðsins. Skal skýrsla um þetta rituð í téða dráttarbók og undirskrifuð af öllum eftirlitsmönnum.

Við hvern drátt skulu vera staddir minnst 3 menn úr happdrættisráðinu. Skiptir formaður, með bókun í dráttabók ráðsins, verkum milli meðlima þess. Skulu þeir hafa eftirlit með því, að þegar dráttur byrjar, séu innsigli heil á stokkunum, að dráttur fari rétt fram og að rétt séu lesnar og bókaðar tölur miðanna.

Í hverjum drætti eru dregnir jafnmargir miðar úr hlutastokknum sem vinningar eru í vinningastokknum.

Fer dráttur þannig fram, að fyrst er dreginn miði úr hlutastokknum og lesin upp tala miðans, sem síðan er afhentur eftirlitsmanni, er athugar, að rétt sé sagt til um töluna. Síðan afhendir eftirlitsmaður öðrum eftirlitsmanni miðann, er dregur hann á þráð, sem festur sé við spjald og innsiglaður með innsigli happdrættisráðs. Þriðji eftirlitsmaðurinn ritar jafnframt tölu miðans í þar til gerða dráttabók, lög-gilta af happdrættisráðinu.

Að þessu loknu er dreginn miði úr vinningastokk og er með hann farið á sama hátt sem fyrr segir, og skal sá miði þræddur á bandið næst eftir miðanum úr hlutastokknum.

Miði sá, sem dreginn er úr hlutastokknum, hlýtur vinning þann, sem miðinn, er næst þar eftir er dreginn úr vinningastokk, segir til um.

Stjórn happdrættisins ræður menn til að draga úr stokknum og lesa upp tölu hlutamiða, og upphæð á vinningsmiðum. Einnig lætur stjórnin skrá tölur og vinn-ingaupphæðir í sérstaka bók og skal nota hana þegar gerð er vinningaskýrsla að loknum drætti.

Þegar dreginn hefur verið síðasti vinningsmiði í hverjum drætti, skulu eftirlitsmenn innsigla þráðinn á annað spjald með innsigli happdrættisráðs.

Þegar að loknum drætti skulu eftirlitsmenn fullvissa sig um, að dregnir hafi verið allir miðar úr vinningastokk, að dregin hafi verið rétt tala hlutamiða og vinningsmiða og hera tölur miðanna saman við báðar gerðabækurnar, þar sem tölurnar eru skráðar. Að því loknu innsigla eftirlitsmenn hlutastokkinn með innsigli happdrættisráðs. Skulu eftirlitsmenn síðan rita í dráttabók happdrættisráðs yfirlýsing um, að dráttur hafi farið fram löglega og svo sem skráð hafi verið í bókina. Dráttabók skal síðan afhent formanni happdrættisráðs.

Eftir hvern drátt lætur happdrættið án tafar prenta skýrslu um vinningana, 8
hvaða hlutamiðar hafi hlotið vinning og hve háan.

21. jan.

Skýrslan skal send öllum umboðsmönnum happdrættisins og vera þar til sýnis viðskiptamönnum.

14. gr.

Um vinninga í 1. flokki skal dregið 10. jan. ár hvert og síðan í hverjum flokki 10. hvers mánaðar. Ef dráttardag ber upp á helgidag, skal dregið næsta virkan dag. Hæppdrættisráð getur veitt undanþágu frá þessari grein, ef því þykir ástæða til.

15. gr.

Ef ágreiningur ris um lögmæti eða gildi dráttanna, meðan dráttur fer fram eða eftir að honum er lokið, skal skjóta honum til úrskurðar hæppdrættisráðs.

16. gr.

Vinningar verða greiddir á þeim tíma, sem auglýstur er í vinningaskránni, á skrifstofu hæppdrættisins í Reykjavík, eða þar sem auglýst kann að verða í vinningaskránni.

Sá, sem vinning hefur hlotið, skal snúa sér til þess umboðsmanns hæppdrættisins, sem hefur ritað undir miðann, og skal umboðsmaðurinn rita aftan á miðann vottorð um, að hann hafi hlotið vinning og hve háan. Vinningurinn verður síðan greiddur gegn afhendingu hlutamiðans, og losnar hæppdrættið með því undan frekari greiðsluskyldu, þó að aðrir kynnu síðar að sanna betra rétt til vinningsins.

Ef mótmæli koma fram gegn greiðslu vinnings til handhafa hlutamiðans, áður en greiðsla vinninganna hefst samkvæmt vinningaskránni, skal hæppdrættið leggja vinninginn í sparisjóð og afhenda síðan með áföllnum vöxtum þeim, sem með dómi eða á annan hátt sannar eignarrétt sinn á vinningnum. Ef aðilar hafa ekki innan þriggja mánaða frá því að mótmæli komu fram, komið sér saman um greiðslu vinningsins, greiðir hæppdrættið handhafa miðans vinninginn með áföllnum vöxtum, nema sannað sé fyrir stjórn hæppdrættisins, að mál sé þingfest um eignarrétt vinningsins.

Ef miði glatast, sem hlotið hefur vinning, getur eigandi hans snúið sér til hæppdrættisstjórnar með beiðni um að fá vinninginn greiddan, enda votti umboðsmaður sá, sem seldi miðann, samkvæmt hlutabók sinni, að umsækjandi hafi keypt af honum miðann. Ekki verður slíkri beiðni sinnt, ef hún er ekki komin í hendur hæppdrættisstjórnar innan 6 mánaða frá því að dregið var, enda hafi vinningurinn ekki verið greiddur gegn afhendingu miðans áður en beiðnin kom fram. Slíkri beiðni skal fylgja 1 kr. gjald.

17. gr.

Allir vinningar verða greiddar án nokkurs frádráttar, þó þannig, að sá, sem vinning hlýtur, er skyldur til þess að kaupa hlut jafnstóran (heilan, hálfan eða fjórðung) í öllum þeim flokkum, sem eftir eru á árinu, og verður andvirði hlutarins dregið frá vinningnum og gefinn út ársmiði fyrir. Ef vinningur fellur á ársmiða, verður ekki um neinn frádrátt að ræða.

Sá, sem hlýtur vinning í 12. fl., skal þó skyldur til þess að kaupa hlut jafnstóran hinum, sem hann vann á, í 1. flokki næsta árs, og skal kaupverðið dregið frá vinningnum.

Samkvæmt lögum um stofnun hæppdrættis fyrir Ísland skal ekki taka tillit til vinninga í hæppdrættinu við útreikning tekjuskatts eða aukaútsvars það ár, sem vinningarnir falla.

Umboðsmönnum er bannað að svara fyrirspurnum, hvort heldur eru frá almannastofnun eða öðrum um eigendur vinninga í hæppdrættinu, og skal beina öllum slíkum fyrirspurnum til stjórnar hæppdrættisins.

8

21. jan.

18. gr.
Ef vinnings er ekki vitjað áður en 6 mánuðir eru liðnir frá drætti þess flokks, sem vinningurinn féll í, verður hann eign happdrættisins.

19. gr.

Ákvæði til bráðabirgða.

Árið 1946 skal dregið í 1. fl. 30. jan., 2. fl. 25. febr., 3. fl. 20. marz, 4. fl. 15. apríl, en síðan 10. hvers mánaðar.

20. gr.

Reglugerð þessi, sem er sett samkvæmt lögum nr. 44 19. júní 1933 og breytingum á þeim lögum í lögum nr. 6 29. jan. 1943, lögum nr. 125 30. des. 1943 og lögum nr. 97 12. des. 1945, öðlast þegar gildi. Jafnframt falla úr gildi reglugerðir nr. 32 5. marz 1941 og reglugerð nr. 38 5. marz 1943, um breyting á þeirri reglugerð.

Fjármálaráðuneytið, 21. janúar 1946.

Pétur Magnússon.

Magnús Gíslason.

9

REIKNINGUR

yfir tekjur og gjöld Hins almenna kirkjusjóðs Íslands árið 1945.

Tekjur:

1. Eign í ársbyrjun	kr.	762238.26
2. Innlög á árinu	—	101531.15
3. Vextir á árinu:		
a. Af lánum	kr.	10926.86
b. — verðbréfum	—	9906.75
c. — innstæðu í Landsbanka Íslands	—	10304.70
		<hr/>
		31138.31
4. Endurgreitt af lánum	—	50540.07
5. Til jafnaðar við gjaldlið 2	—	45900.00
6. Til jafnaðar við gjaldlið 4	—	47344.71
		<hr/>
		Kr. 1038692.50

Gjöld:

1. Úttekið af inneignum	kr.	24600.00
2. Lán veitt á árinu	—	45900.00
3. Kostnaðarreikningur	—	4954.50
4. Vaxtaafgangur	—	47344.71
5. Til jafnaðar við tekjulið 4	—	50540.07
6. Eign í árslok:		
a. Í lánum	kr.	260189.48
b. Í skuldabréfum	—	226600.00
c. Í sparisjóðsdeild Landsbanka Íslands	—	378563.74
		<hr/>
		865353.22

Kr. 1038692.50

Biskupinn yfir Íslandi, Reykjavík, 18. janúar 1946.

Sigurgeir Sigurðsson.